

Italia: gaurtik aurrera hasiko da benetan lehendakari hautaketa

Bigarren mailako hautagaiek garrantzitsuei emango diete txanda

Espero bezala, hirugarren bozketan ere ezein hautagaik ez zuen lortu behar adina boto Italiako Errepublikako bederatzigarren lehendakari izendatzeko. Francesco Cossiga, iragan apirilaren 25ean dimititu zuen lehendakari italiarraren ordezkoren hautaketak laugarren txanda itxaron beharko du bederen.

DONOSTIA

Herenegungo bi bozketetan bezala, atzokoan ere bi hereneko gehiengoa behar zen Lehendakari-tza eskuratzeko, hau da, 1.014 botoetatik 675. Atzo 981 ordezkari eman zuten botoa. Atzo, ordea, lasaiago ibili ziren legebiltzarkideak eta herenegungo iskanbilak ahanzi zituztela ziurduen.

Botorik gehien jaso zituen hautagaia berriro Giorgio Di Giuseppe demokratikistak izan zen (egungo Senatuko lehendakariordea) 257ekin. Aurreko bi bozketetan 296 eta 284 boto eskuratu zituen. Bigarren lekuan Nilde Iotti geratu zen berriro. Diputatuen Ganbarako lehendakari ohi eta PDS alderdi komunista ohiko hautagaia 245 boto eskuratu zituen, aurreko bi bozketetan baino 63 boto gehiago hain zuzen. Hirugarren Giulino Vassalli sozialista izan zen 139 botorekin. Herenegungo bi bozketetan 152 eta 143 boto eskuratu zituen ordea.



Diputatuak lasaiago ibili ziren atzo eta ez herenegungo argazkian ikusten den bezala.

AP

Laugarren bozketa gaur arratsan egingo dute diputatu, senadore eta erregioetako ordezkariak. Gaurtik aurrera ordea, hautagaiek gehiengo absolutua lortzea (508 boto) nahikoa izango

dute lehendakari izendatzeko.

BIGARREN MAILAKO HAUTAGAIK

Alderdi gehienek lehendabiziko bozketa horietarako bigarren mailako

hautagaiak aurkeztu dituzte, gaurtik aurrera egingo direnarako benetako hautagaiak aurkezteko. Lehendabizikoekin tanteoan jokatu dute, bai bait zekiten inork ezingo zuela bi hereneko gehiengorik eskuratu. Orain, ordea, gehiengo absolutua behar da soilik. Estrategia honek herenegun eta atzoko bozketak tramite huts bilakatu ditu eta benetako interesa alderdi nagusiek beren hautagaiak aukeratzeko daramaten presazko saialdian eta ondoren estatuburua hautatzeko alderdien artean egingo diren negoziaketetan dago. Negozia-keta hauetan lehendakaria ezezik Gobernu osaketa ere jokoan egongo dela kontutan hartzekoa da.

Duceari irainik ez

Alessandra Mussolini, Benito Mussolini 'ducearen' iloba ez dago prest bere aitoren bizkarretik trufa egiten uzteko. Herenegun, Pinuccio Serra legebiltzarkide demokratikistak Legebiltzarretik kanpo bidaltzeko eskatu zion Parlamentuko lehendakariari. Serrak Loretto enparantza gogorarazi zuen lehendakariaren hautaketarako saioan. Enparantza honetan urkatu zituzten Benito Mussolini eta bere amorantea. Haserre bizian, Alessandra Mussolinik diputatu demokratikistak esandakoa «iraingarria baino, lotsagarria» izan zela adierazi zuen. Herenegungo saioa izugarritzakoa izan zen. DCko eta MSI alderdi ultraeskuindarreko diputatuak izan ziren, batez ere, elkarren kontra irainka ibili zirenak eta kasik elkar joka amaitu zuten.

Lur aldarrikapenei amore emateko prest daude Bosniako serbiarrak

DONOSTIA

Hasierako zabaltzeko zituzten asmoak alde batera uzteko proposamena agertu duten arren, aurrera segitzen dute serbiarrak Bosniako musulman eta kroaziarren arteko gerran.

Hala ere, gauzatzea ezinezkoa dirudien agintari bosniar eta serbiarren arteko negoziaketen laugarri gerta litekeen erabakia hartu dute indar federalet. Bosniako serbiarren buru den Radovan Karadzic doktoreak euren errebindikazioak alde batera utzi eta elkarriketari egokitzen saiatzeko asmoa dutela berretsi zion EFE agentziari.

Bosniako herritarren gehienak musulmanak diren arren, «Bosnia Herzegovina» errepublika

serbiarra» aldarrikatu zuten serbiarrek (% 31) Bosniako lurraldeen % 65 hartu nahi dute kontrolpean. «Bosniako lurralde zatirik handiena serbiarrak bizi garen lekua da, baina hala ere, ez dugu bake konferentzia boikoteatu nahi. Borroka horretan denok dakigu ez dugula eskatzen dugun guztia lortuko, horregatik gehiegizko aldarrikapenak alde batera utziko ditugu», adierazi zuen Karadzicek.

Bosniako serbiarrek proposamen berri hau aurkeztu badute ere, bi komunitateen arteko gerrak okerrera egin du nabarmen azken egunotan. Horren haritik, Butros Ghali Nazio Batuetako idazkari nagusiak Sarajevon dauden nazioarteko ordezkariak Bosniatik kanporatzea erabaki


zuen herenegun «bertan bizi den egoera larriegia da» argudiatuta.

Ghalik esan zuenez, «Bosniako hiriburuan dauden nazioarteko behatzaile gehienak aterako dira Sarajevotik, nahiz eta erretiratzea behin-behinekoa eta partziala den». Aurrerantzean nazioarteko ordezkariak bakea lortzeko lanetan segituko dute.

SOLDADU SERBIARRAK BOSNIATIK AT

Baina ez dira nazioarteko ordezkariak gatazka lekutik atera diren baka-rrak. Jugoslaviako agintariak pasa den maiatzaren 19an hitzartutakoari jarraiki, hiru mila soldadutik gora kanporatu zituzte Bosnia eta Kroaziatik.

Kroata eta musulmanek nazioarteko zigorrak ekiditeko az-



Butros Ghali.

pijokoa dela uste duten bitartean, «gatazkari irtenbide baketsu bat emateko duten asmoa agertu eta armada federalari leporatzen zaizkion salaketen faltsutasuna argi agertzen da» uste dute agintari federalet.

Los Angeles: King kasuko polizia berriz epaitzea eskatu du fiskalak

LOS ANGELES

Duela bi asteko istilu arrazialak eragin zituzten epaian aske utzi zituzten lu polizietarik bat berriz auziperatzeko eskakizuna egingo duela iragarri zuen herenegun Ira Reiner Los Angeles barrutiko fiskal nagusiak.

Fiskalaren arabera, Rodney King gaztea jipoitu zuten lau polizietatik Laurence Powell berriz ere epaitzea eskatuko du akusazioak. Mundu osoan zehar zabaldu zen bideoak funtzionari honek erabilitako bidegabeko indarkeria argi erakusten zuela argi bait dago.

Beltz bakar bat ere ez zegoen epaimahaiak king jipoitutako poliziak kargurik gabe utzi zituen arren, zintzilik gelditu zen Powellek gehiegizko indarkeria erabili zuela zioen salaketa. Izan ere, epaimahaiako kideek ez zuten honi buruzko erabaki bateraturik hartu. Epaiaren berri jakin laster poliziak aske utzi izanak aski ezagunak egin ziren istiluak eragin zituen. Californiako hiriburuan lau egunez luzatu ziren gatazka arrazialen ondorioz 58 hildako, 16 mila atxilotu eta 2.400 zauritu gertatu ziren.

EHUNDAKA HISPANO ABERRIRATUAK

Bestalde, epai haren ondorioz gertatutako lis- karretan parte hartu izana leporatzen zaien milaka hispano bere jatorrizko herrialdeetara bidali ditzakete, pertsona hauetarik gehienak ilegalki sartu bait ziren EEBBetan Mexicoko mugatik.

Orainartean 200 bat pertsona aberriratu ditu poliziak estatubatuarrek, eta aurrerantzean ehundaka hispano EEBBetatik kanporatu ditzaketela salatu zuen giza eskubideen defentsan lan egiten duen 'La Raza' erakunde pribatuak. Talde honek Bushi zuzendutako eskutitz batean, ustez istilu arrazialetan parte hartu zutenen deportazioa geldierazi eta Los Angeleseko poliziek hispanoen aurka duten jarrera bortitza aldatzeko eskatzen zaio lehendakariari.

Epaiak eragin zituen gertakarien ondoren, in- migrazioko Poliziak dokumenturik gabeko hispanoak aberriratzea agindu zuen.